

Izvorni
naučni
rad

UDK 330 436/439+497.1+498) (091) »1918/1937«

Marta Romportlová

PROMJENE I KONTINUITETI U EKONOMIJI NOVONASTALIH DRŽAVA NAKON 1918. GODINE

Nastanak novih, narodnih država po završetku prvog svjetskog rata je u srednjoj i jugoistočnoj Evropi doveo da dalekosežnih promjena u ekonomskoj sferi. Organizacija privrede Habzburške Monarhije zasigurno nije pripadala najznačajnijim i najuticajnijim u svijetu pred prvi svjetski rat. Ipak, radilo se o životu, ukorijenjenom organizmu. Protkane bezbrojnim vezama u velikom prostoru bez carine, ekonomije zapadnog i istočnog dijela Monarhije su se dopunjavale. Austrougarsko unutrašnje tržište je imalo svoju dugogodišnju podjelu rada, koncentrične prometne sisteme, predlitavski i zalistavski, svoju organizaciju razmijene i finansije, s tim što je Beč igrao ulogu nezaobilaznog posrednika. Problemi s kojim se ovo tržište borilo bili su veoma izraziti. Nagodba iz godine 1867. svojim karakterom odgovarala je interesima predlitavske industrije i zalistavskog veleposjeda. Mada je takav stav ostao do kraja principijelno sačuvan, od početka vijeka se u njemu sve više očitavala napetost koja je proizašla iz njega samog.

Za ekonomiju Monarhije su bile karakteristično izrazite razlike u zrelosti privrede pojedinih oblasti, većih i manjih cjelina. S obzirom na to da Habzburška Carevina nije spadala u prvi red evropskih izvozničkih zemalja, njena se ekonomija ponajviše realizovala na srazmjerno uskom i rascjepkanom unutrašnjem tržištu s malim ljudstvom. U njemu su se preslikavali, vremenom sve

učestaliji sukobi među narodima, a od početka vijeka je u relativno kratkom vremenskom razdoblju postalo čak i bojno polje sukobljavajućih suprotnih interesa, predlitavskog i zalitavskog industrijskog i finansijskog kapitala. Tu su se susretale njihove autonomističke i centralističke tendencije, a najviše želje za ekspanzijom, usmjerene, prije svega, na jugoistok. Značajna je bila i njegova zavisnost od stranog kapitala.¹⁾

Za vrijeme rata, njemačko-mađarski vladajući krugovi iskoristili su prilike za jačanje centralističke moći na uštrbu ostalih naroda. Stvorili su nove industrijske i trgovinske odnose i iznuđenu prodajnu mrežu, a ratnim zajmovima skoncentrisali finansijska sredstva u centralnim bankama. Srednji i mali poduzetnički slojevi su se obreli potpuno pod kontrolom državnog kapitala, koji je pokušavao uništiti jake konkurenente, čak i upotrebo sredstava iz arsenala državne moći. Neravnomjeran razvoj Monarhije, rastuće nepovjerenje, izražavano sve više u ekonomskoj sferi, prema »nedržavotvornim« narodnostima, ratne okolnosti, razaranja, te vojna orientacija pojačavali su krizu koja je dokrajčena tek raspadom Monarhije. A on je imao upravo u ovoj jedan od svojih značajnih stimulansa.

Mirovni pregovori, kao i multilaterarni dogovori koji su slijedili, podijelili su među novonastale zemlje ne samo teritoriju, nego i ekonomski aktivna i pasivna područja Carevine i to ne samo u vidu ekonomskog realnosti, nego i u oblasti odnosâ i proporcija. S obzirom na razlike u stepenu zrelosti privrede pojedinih dijelova Monarhije i drugih cjelina iz kojih su se novonastale države razvile, u srednjoj i jugoistočnoj Evropi se stvorila komplikovana i često paradoksna situacija, koja je na karakterističan način uticala na privredni razvoj u toj oblasti.

Posljedice i tradicije predratnog razvoja predstavljale su potencijalnu, široku bazu za privrednu saradnju novih država. Raspad prilično tjesne simbioze je stvorio nove mogućnosti kontakta s drugim zemljama. Sačuvani dobri odnosi među susjedima su donosili značajne koristi u kalkulaciji cijena uvoza i izvoza, u željezničkom i riječnom prevozu robe itd. Novonastale države, ni izdaleka ne toliko same sebi dovoljne kao kompleks Monarhije, bile

¹⁾ Prilog sadrži djelimično i uopšteno skupljene zaključke do kojih je autorka došla u doktorskoj dizertaciji *Príspevok k řešení problému československo-maďarských ekonomických vzťahu v meziválečném období 1918–1939 (Bezprostrední vývojová a průběh obchodnopolitických vzťahů)*, Brno, 1979, 308 s. Knižne ČSR a Mađarsko 1918–1938, Brno, 1986. 206 s. i u seriji studija s problematikom ekonomicko-političkog razvoja i odnosa u srednjoj i jugoistočnoj Evropi 1918–1939. i, konačno, u visokoškolských skriptách *Vývoj a pohyb ekonomicichych struktur ve střední a jihozápadní Evropě 1918–1939*, rkp. Brno, 1983, koautor Zdenek Sládeček. U svim navedenim radovima nalazi se detaljan popis literatury i bibliografských podataka.

su mnogo više, ako ne i u potpunosti, kao u slučaju Čehoslovačke, prinudene na spoljnju trgovinu. Zajednička crta im je ostala i velika zavisnost od inostranog kapitala.

Pri uporedbi zajedničkih crta potrebno je uzeti u obzir značajne i principijelne činjenice. Novonastale države su iznlike 1918. u dijametalno suprotnim okolnostima, u snažno izraženoj konstelaciji odnosa pobijedenih i poraženih država. Ove okolnosti su oblikovale njihovo dijametalno suprotno postojanje u cijeloj daljoj egzistenciji versajskog sistema. Stavište, sistem ekonomije u začetku, a prije svega mišljenje o ekonomiji unutar vladajućih krugova, nisu bili dovoljno opskrbljeni djelotvornim, učvršćenim mehanizmom međunarodne podjele rada u prostoru gdje ju je prije zamjenjivalo unutrašnje tržište. Ove činjenice, zajedno sa ekspanzivnim tendencijama pojedinih narodno-državnih grupacija vodile su do toga da su međunarodni ekonomski odnosi novonastalih država bili pod jakim uticajem djelovanja političkih faktora. A tu su djelovali, pored vanjskopolitičkih nainjera, većom, čak često odlučujućom mjerom, uski autonomni unutrašnjopolitički interesi pojedinih kapitalističkih grupacija.

Naravno, važno je zaključiti da se u dvadesetim, ali i u tridesetim godinama većina vanjske trgovine podunavskih zemalja odigravala na podunavskom prostoru. Dok su trgovačko-politički odnosi bili vjerni odraz razmimoilaženja mišljenja i afiniteta, vlastiti razvoj razmjene se kretao, naročito na početku dvadesetih godina, po starim kolotečinama, a po potrebi na temelju pukih kompenzacijских dogovora, a nikako redovnih trgovачkih ugovora. Do krize su ovi uzajamni odnosi prošli nekoliko kulminacijskih tačaka, cijeloviti trend je, pak bio silazni, a naročito je dolazilo do značajnih promjena u sastavu razmjene, u podjeli industrijskih i poljoprivrednih proizvoda, a prije svega u podjeli gotovih proizvoda i sirovina. Zaštitničke i protekcionističke tendencije su podređivale strukturu ove trgovine državnim i grupnim interesima buržoaskih režima raznoraznog karaktera, povezanih na raznim imperialističkim planovima u toj oblasti. Postepeno su likvidirali značajan dio pogodnosti i mogućnosti koje je pružala naslijeđena, originalna zajednička ekonomija.

Svaka od novih država je na početku stajala pred nekoliko važnih ekonomskih zadataka. U vezi s tim, naročito treba napomenuti sljedeće: 1) integracija ekonomije i stvaranje narodnih tržišta; 2) oslobođanje od uticaja bivših centara, Beča i Budimpešte; 3) razrješenje sukoba između industrijskih i poljoprivrednih kapaciteta i absorpcione sposobnosti unutrašnjeg tržišta; 4) uključenje u međunarodnu podjelu rada. Na tom polju su se susretali interesi industrijskog, finansijskog i agrarnog kapitala, kako unutar pojedinih zemalja, tako i među njima međusobno.

Ekonomска neravnoteža pojedinih novih država bila je u osnovi drugačija nego što je to bilo u slučaju Habzburške Monarhije.

Valjda su samo čehoslovački problemi bili nalik na prošle odnose u proporcijama. Poljska je morala da se razračuna s ostavštinama tri dijametalno suprotne ekonomije. Mađarska je, preko velikih gubitaka teritorija i sirovinskih nalazišta, sticala koncentraciju industrije i poljoprivredne proizvodnje na veliko. Austrija se zatekla u situaciji predimenzionirane glave bez tijela. Jugoslavija je morala integrisati raznorodne privredne, agrarne sisteme, koji su se zatekli bez industrijskih područja. Rumunija je, pak, profitirala pripajanjem naprednijih oblasti. Industrija i agrar pojedinih zemalja pokazali su silaznu tendenciju.

Te probleme su nove države rješavale prije političkim nego ekonomskim putem. Čehoslovačka je usmjerila svoj eksportni razvoj i na Istok i na Zapad i nastojala da onemogući eventualno nicanje bilo kakve veće cjeline pod patronatom Beča ili Budimpešte, kako bi to odgovaralo angloameričkim interesima, makar da se radilo o bilo kojoj privrednoj cjelini. Mađarsku je karakterisala ideja da treba da bude dovoljna sama sebi, kao i ekspanzija prema Balkanu. Rumunija je nastojala da ponovo zauzme pozicije u agraru i izvozu sirovina, a Jugoslavija u poljoprivrednom eksportu. Uticaj države na ekonomiju bio je najveći u Poljskoj, no, koliko znam, a vrijedno je pažnje, možemo zaključiti kako je u suštini baš ovdje ekonomija najmanje uticala na politiku. Poljaci je, takoreći, nisu ni koristili kao politički instrument prema inostranstvu.

Austrijske zemlje su imale u Monarhiji privilegovane pozicije političkog i ekonomskog centra koji je udruživao državne finansije i finansijski kapital, upravu carinskih monopolja, industrijsku proizvodnju i trgovinu. Ratnim porazom i njegovim posljedicama te zemlje su bile naglo lišene ne samo mase sirovina, radne snage i odšteta, nego, prije svega, svojih nesrazmernih privrednih i socijalnih pogodnosti na kojima se bazirao čitav njihov ekonomski aparat, prometni sistem itd. Žestoka inflacija imala je neizmjerno teške socijalne posljedice, ali je paradoksalno doprinijela oživljavanju zemljoradnje i industrije, a finansijskom kapitalu je bila neposredni izvor konjunkture. Poslijeratne godine su potvrstile da je nova država sposobna za život. Agrarni protekcionizam je doprinio rastu poljoprivredne proizvodnje, a industrija se obnovila zahvaljujući podunavskom tržištu koje je još uvijek trebalo austrijske industrijske proizvode, dok nije steklo sposobnost za izgradnju vlastitih, dovoljno složenih, proizvođačkih industrija. Postepena industrijalizacija i formiranje narodnih tržišta prije zavisnih zemalja su tu pogodnost eliminisali, a odlučujuće snage u austrijskoj privredi nisu pri tome posvetile dovoljno pažnje rekonstrukciji industrije. Neuspjelne posljedice ove kratkovidne ekonomske politike brzo su se ukazale i produbile su djelovanje privredne krize u Austriji na prelazu dvadesetih i tridesetih godina.

Dinamičke tendencije industrijskih grana i finansijskog kapitala, koje se zapažaju početkom vijeka u Ugarskoj, još su više došle

do izražaja u poslijeratnim uslovima. Tada je, u stvari, u Mađarskoj snažno dominirao finansijski i industrijski veliki kapital. Njegovi politički ciljevi, koji su u međuralnom periodu težili najprije za očuvanjem, a zatim za ponovnim uspostavljanjem integriteta zemlje svetostefanske krune, korespondirali su s njegovim ekonomskim interesima u tolikoj mjeri da su naporci za industrijskom autokratijom i konkurenčkom ekspanzijom, naročito na balkanskom tržištu, dolazili do izražaja kao zadatak mađarskih izvoznih poljoprivrednih oblasti (također i vlastitih veleposjeda), specijalno prema Čehoslovačkoj, kao i u politički motiviranoj negaciji originalnih predratnih veza.

Sličnim načinom, a u geografski suprotnom pravcu, djelovalo je u Čehoslovačkoj agrarni kapital na uštrb vlastite industrije. Krupni finansijski kapital se uspio osamostaliti od Budimpešte pomoću složenog sistema transakcija, a, isto tako, u značajnoj mjeri je ograničio zavisnost i od Beča. Kada agrarni protekcionizam i industrijsko zaštitništvo nisu dozvoljavali njegovanje odnosa s Mađarskom, Čehoslovačka se, rukovodena, naravno prije svega, vanjsko-političkim motivima, počela starati o tijesnijoj privrednoj saradnji među državama Male antante da bi očuvala svoje pozicije u podunavlju. Govoreći o Čehoslovačkoj mogu, na osnovu višegodišnjih istraživanja u ovoj oblasti, konstatovati da se u doba intenzivnih stvarnih kontakata, kada je ekonomski kantinuitet srednjoevropskog prostora jenjavao, oficijalna privredna politika okrenula od njega i djelovala je u njemu zaista iracionalno. Krize i političke promjene tridesetih godina rezultirale su beskorisnim trgovacko-političkim snagama s veoma širokim kontaktima, a, paralelno s tim, i padom i restrukturalizacijom razmjene i nazadovanjem Čehoslovačke u toj oblasti. Razvoj i karakter ovih promjena bar letimično će naznačiti priložene tablice.

Distribucija cijelog obima eksporta podunavskih država na podunavsko tržište u procentima²⁾

Država	1922.	1925.	1929.	1934.
Čehoslovačka	46,4	36,0	36,4	28,2
Austrija	25,1	18,7	20,5	22,9
Mađarska	12,9	19,3	20,0	21,0
Rumunija	9,6	10,9	10,2	13,6
Jugoslavija	4,8	13,8	11,1	13,0
Bugarska	1,2	1,3	1,8	1,4

Preokret u Čehoslovačkoj vanjskoj trgovini s novonastalim državama u godinama 1925. i 1929, u procentima³⁾

²⁾ Prehled československých dějin, Praha 1960, s 233.

³⁾ Wagner Rudolf; Panství kapitalistických monopolů v Československu, Praha 1958, s 120.

Država	1925.	1929.
Austrija	12,5	11,5
Mađarska	6,3	5,6
Poljska, Jugoslavija, Rumunija	12,2	11,5
Sveukupno	31,0	29,2

Međusobna trgovina Čehoslovačke, Austrije, Poljske i Mađarske i njihova trgovina s Njemačkom od 1923. do 1937, u procentima cijelog uvoza i izvoza:⁴⁾

Država	1923.	1926.	1928.	1932.	1935.	1937.
Čehoslovačka						
uvoz iz A+P+M	14	21	19	12	13	8
uvoz iz Njemačke	40	21	25	24	17	16
izvoz u A+P+M	29	25	26	19	14	11
izvoz u Njemačku	20	20	22	16	15	14
Austrija						
uvoz iz Č+P+M	40	41	35	33	29	24
uvoz iz Njemačke	18	17	20	20	17	15
izvoz u Č+P+M	27	26	26	24	22	21
izvoz u Njemačku	13	12	19	17	16	15
Mađarska						
uvoz iz A+Č+P	56	47	43	28	25	25
uvoz iz Njemačke	14	17	20	22	23	26
izvoz u A+Č+P	57	58	55	38	24	21
izvoz u Njemačku	6	13	12	15	24	24
Poljska						
uvoz iz Č+A+M	14	13	14	10	9	9
uvoz iz Njemačke	44	24	23	20	14	15
izvoz u Č+A+M	16	21	26	17	13	10
izvoz u Njemačku	51	25	34	16	15	14

I ovi ilustrativni podaci prikazuju preživjeli kontinuitet kao zadnjičku ekonomsku polaznu tačku novonastalih zemalja, koji je vremenom sve više jenjavao. Promjene do kojih je u toku međuratnog razvoja došlo bile su, isto tako, izraz novih političkih i privrednih stvarnosti, tendencija i sila u jednom isto tako jenjavajućem, sukobima punom kontinuitetu originalne koegzistencije.

⁴⁾ Tomaszewski Jerzy, Związki handlowe państw sukcesyjnych w okresie międzywojennym, *Studia z dziejów ZSRR i Europy śródkowej*, tom IV, Warszawa-Wrocław-Kraków 1968, s. 86.